

الشاعر محمد جواد ظاهر



## سهرات رمضان

رمضان يا شهر اللي فيك الطهر بان

شهر التقى والمغفرة شهر الأمان

شهر النزول الكون دستور العلوم

قرآنا سيد البلاغة والبيان

خلتِك في هالشهر يا مؤمن رحوم

بميدان خيل الكره لا تزيد الرهان

يخيم الطهر علا الخلق كلو عموم

وصدرك يا مؤمن يغمر الكل بحنان

تا تجاهر بصومك ما في إلها لزوم

ولسانك غلا الغير تطلقوا العنان

مش بس عن شرب وأكل نحنا نصوم

لازم تصوم النفس ويصوم اللسان

يا مريم تالرطب يسقط بشضايا

هزي نخلتك بالقدس هزي

ويا موسى كسر نواح الوصايا

على روس اليهود والمستفزي

ويا يوسف من مصر جيب الهدايا

لأهل غزة اللي لبسوا تاج عزّي

بخفقات الصدر جوا الحنايا

بقلب قلوبنا الهم معزي

ويا حيدر سل شفرات المنايا

بعزيمة حيدرية الروس جزّي

ما زالو هالعرب صاروا بقايا

بعروش ملوكها النيران لزي

لبنى صهيون من نسل البغايا

وعروبتنا بشرفها جيت عزّي

ونحن بالعطا بنبقى سخايا

يجنوب العز مقلع للأبايا

ما بخلو بالعطا عن أهل غزي

من وين إنتي قول شو عندك خصال

بتحكي الصدق هيدا مرامي ومطلبي

بيناتنا ما في خصومي ولا جدال

عيب استحي ولا تقول إنك يعربي

الأشراف عنا بها الوطن صاروا قلال

إنباع الضمير برخص ونذم الأبى

شيوخ العروبي والغرب والإحتلال

زيادي الملك الأردني والمغربي

عا ذبح غزي تكالبوا أولاد الضلال

وأبطال غزة ع الحروب مدربي

بيفتوا فتاوى بالحرام وبالحلال

ونسوان غزي بتندبح وبتنسبي

ما ضل عندك يا يمن في هالمجال

حوّلت مندبهم عليهم مندبي

وع حدودنا مقاوم شرس بالحرب جال

عنا رجال مدربي ومجريبي

يا خير أمة أخرجت للناس قال

هيكى انوصفنا وقال قرآن النبي

مش خير أمة للفشل صرتو مثال

ورح تحصدو بعدا النتيجي المرعبي

وحتى الكراسي تضل مهما العمر طال

ويلبس ولي العهد بدلي مقصبي

ومش هم غزي تصوير قصة من الخيال

وأطفالها مثل الأضاحي مذبحين

المهم عنا يكون راضي الأجنبي



